

當隨學隨作隨持如是三說願阿遮利耶證
知我是鄔波斯迦歸依三寶受五學處師云
好荅云善

次請鄔波馱耶教云譯為親教師言和上者
乃是西方時俗語非是

阿遮利耶譯為師 存念我某甲今請阿遮

利耶為鄔波馱耶願阿遮利耶為我作鄔波

馱耶由阿遮利耶為鄔波馱耶故我當出家

如是三說後語同前至第三番應言由鄔波

馱耶為鄔波馱耶故由近師位
故重言耳

次請一苾芻尼為白眾者彼應問本師云所

有障法並已問未荅言已問若問者善若不

問而白者得越法罪次為白眾一切僧伽當

須盡集或巡房告知次將至眾中致禮敬已

在上座前雙膝著地低頭合掌作如是語苾

芻尼僧伽聽此某甲從苾芻尼某甲希求出

家傳二

近圓成苾芻尼性此某甲若剃髮披法服已

起正信心捨家趣非家某甲為鄔波馱耶苾

芻尼僧伽為與某甲出家不此乃但是以言
白事不是羯磨

單合眾咸言若遍淨者應與出家俱問者善

如不問者得越法罪次為請苾芻尼作剃髮

者彼便盡剃其人後悔佛言應留頂上少髮

問曰除爾頂髮不若言不者應言隨汝意去

若言除者應可剃除次與洗浴若寒與湯熱

授冷水與著裙當須檢察恐是無根二根及

根不全等時苾芻尼露形檢察彼生愧耻佛

言不應露體而為檢察為著裙時應可私視

勿令彼覺次授縵條教其頂受為著衣已師

應為請苾芻尼與受求寂女律儀護者敬禮

敬已應在二師前雙膝著地低頭合掌教作

是語二師可相近坐令弟子執親教
師袈裟角親見西方行法如是

阿遮利耶存念我某甲始從今日乃至命存

歸依佛陀兩足中尊歸依達摩離欲中尊歸

依僧伽諸眾中尊彼薄伽梵釋迦牟尼釋迦

師子釋迦大王如知應正等覺彼既出家我

當隨出在俗容儀我已棄捨出家形相我今受持我因事至說親教師名親教師名某甲如是三說師云好答云善次授十學處教云汝隨我語

阿遮利耶存念如諸聖阿羅漢乃至命存不殺生不偷盜不婬欲不虛誑語不飲諸酒不

傳二

三

歌舞作樂不香鬘塗彩不坐高牀大牀不非時食不受畜金銀我某甲始從今日乃至命存不殺生不偷盜不婬欲不虛誑語不飲諸酒不歌舞作樂不香鬘塗彩不坐高牀大牀不非時食不受畜金銀亦如是此即是我十支學處是諸聖阿羅漢之所學處我當隨學隨作隨持如是三說願阿遮利耶證知我是求寂女我因事至說鄔波馱耶名鄔波馱耶名某甲師云好答云善汝已善受十學處竟當供養三寶親近二師學問誦經勤修三業勿為放逸
若是曾嫁女年滿十二若童女年滿十八可應

臨時隨事稱應與六法六隨法二年令學應說下皆准此如是與先敷座已鳴犍雅言白復周苾芻尼僧伽隨應盡集極少須滿十二人於壇場中令求寂女致禮敬已在上座前雙膝著地低頭合掌作如是語

苾芻尼僧伽聽我求寂女某甲年滿十八我因事至說鄔波馱耶名我從鄔波馱耶某甲於二年內乞學六法六隨法我某甲今從苾芻尼僧伽於二年內乞學六法六隨法我因至說鄔波馱耶名某甲為鄔波馱耶願苾芻尼僧伽授我於二年內學六法六隨法攝受拔濟我教示哀愍我是能愍者願哀愍故如是三說

次一苾芻尼秉白二羯磨

苾芻尼僧伽聽此求寂女某甲年滿十八某甲為鄔波馱耶今從苾芻尼僧伽於二年內乞學六法六隨法若苾芻尼僧伽時至聽者苾芻尼僧伽應許苾芻尼僧伽今與求寂女

某甲年滿十八於二年內學六法六隨法其
甲為鄔波馱耶白如是

次作羯磨

苾芻尼僧伽聽此求寂女某甲年滿十八其
甲為鄔波馱耶今從苾芻尼僧伽於二年內
乞學六法六隨法某甲為鄔波馱耶苾芻尼

傳二

四

僧伽今與求寂女某甲年滿十八於二年內
學六法六隨法某甲為鄔波馱耶若諸具壽
聽與求寂女某甲年滿十八於二年內學六
法六隨法某甲為鄔波馱耶者默然若不許
者說苾芻尼僧伽已與求寂女某甲年滿十
八於二年內學六法六隨法某甲為鄔波馱

耶竟苾芻尼僧伽已聽許由其默然故我今
如是持

次應告言汝某甲聽始從今日應學六法

- 一者不得獨在道行
- 二者不得獨渡河水
- 三者不得觸丈夫身

四者不得與男子同宿

五者不得為媒嫁事

六者不得覆尼重罪

攝頌曰

不獨在道行 不獨渡河水 不故觸男子

不與男同宿 不為媒嫁事 不覆尼重罪

復言汝某甲聽始從今日應學六隨法

一者不得捉屬己金銀

二者不得剃隱處毛

三者不得懇掘生地

四者不得故斷生草木

五者不得不受而食

傳二

五

六者不得食曾觸食

攝頌曰

不捉於金等 不除隱處毛 不掘於生地

不壞生草木 不受食不食 曾觸不應食

若二年內於六法六隨法已修學訖可授近

圓師應為求五衣及鉢濾水羅卧敷具為請

作羯磨尼屏教師并入壇場諸苾芻尼既和集已極少須滿十二人諸苾芻尼先可授其淨行本法皆令三遍禮敬然敬有二種一謂五輪至地謂是頷輪二手二謂兩手執師臚足於此二中任行其一既致敬已應請鄔波馱耶若先是鄔波馱耶或是阿遮利耶者隨

時稱說若先非二師者應云大德或云尊者若請軌範師類斯應作當具威儀作如是語鄔波馱耶存念我某甲今請鄔波馱耶為鄔波馱耶願鄔波馱耶為我作鄔波馱耶由鄔波馱耶為鄔波馱耶故當受近圓此謂先是受十戒親師如是三說後語同前即於眾中在親教師

前師與守持五衣應如是教鄔波馱耶存念我某甲此僧伽臚譯為我今守持已作成衣是所受用如是三說後語同前下之四衣皆須別持准此應說
安怛娑婆譯為厥蘇洛迦
下譯為僧脚崎譯為衣若未浣染未割截物

若綃若布權充衣數者應如是守持鄔波馱耶存念我某甲此衣我今守持當作九條僧伽臚衣兩長一短若無障難我當浣染割截縫刺是所受用如是三說後語同前餘衣准此此五衣者尼所要用三衣如舊餘二須論尼過之下後掩繫以臂一條在臚上二指此是西

方地充著長道之儀唯此一重數須多舊云是修羅或云祇長修羅者皆訛也僧須用佛制方纒三衣先級用通兩肩然於上通披法相似阿育王像乃至禮敬三寶及受大戒在青前同阿育王像乃至禮敬三寶及受大戒在嗷食之儀曾不輕許露出禮拜之僧時露膊傳二如天皆亦同此然噉食禮拜之僧時露膊傳二無帶傳二

滑施帶前自授一家容儀非閑僧所制則但由先來翻譯授者即僧脚崎喚作僧祇復道覆有衣言不覆有衣二僧是脚崎喚作僧祇復支乃祇支亦帶本音履是履無斯目復此方兩名祇支亦帶本音履是履無斯目復此方古亦未開其下略也此等直各而差偏用亦未開其下略也此等直各而差偏觀西國誰復委的元由設廣如餘自非親萬中有一誰復委的元由設廣如餘自非親不違教之新德誰代之也故類也既而雷同執舊

次可擎鉢搥呈大衆恐太小太大及白色等若是好者大衆咸云好鉢不言者得越法罪然後守持應置左手張右手掩鉢口上教云鄔波馱耶存念我某甲此波怛羅是大仙器是乞食器我今守持常用食故如是三說後語同前

次應安在見處離聞處教其一心合掌向衆虔誠而立其羯磨尼應問衆中誰先受請當於屏處教示某甲彼受請者答言我某甲次問汝某甲能於屏處教示某甲某甲為鄔波馱耶不彼應答言我能次羯磨尼應作單白

苾芻尼僧伽聽此苾芻尼某甲能於屏處教示某甲某甲為鄔波馱耶若苾芻尼僧伽時至聽者苾芻尼僧伽應許苾芻尼僧伽今差苾芻尼某甲作屏教師當於屏處教示某甲某甲為鄔波馱耶白如是次屏教師將至屏處教禮敬已如上威儀作

傳二

七

如是語

汝某甲聽此是汝真誠時實語時我今少有問汝汝應以無畏心若有言有若無言無不得作虛誑語汝是女人不答言是汝年滿二十未若曾嫁女者問答言滿汝五衣鉢具不答言具汝父母在不若言在者聽汝出家不

答言聽若言死者更不須問汝夫主在不若有若無隨時教答汝非婢不汝非宮人不若言是者應問國主聽汝不汝非王家毒害人非汝非賊不汝非憂愁損心不汝非小道無道二道合道不汝非身常流血及無血不汝非黃門不汝非汚苾芻不汝非殺父不汝非殺母不汝非殺阿羅漢不汝非破和合僧伽不汝非惡心出佛身血不汝非外道不現是外道汝非趣外道不先已出家還歸外道更復重來汝非賊住不汝非別住不汝非不共住不犯重汝非化人不汝非負債不若言有者應可問言汝能受近圓已還彼債不言能者善若

不能者汝可問彼許者方來汝非先出家不若言不者善如言我曾出家者報云汝去無尼歸俗重許出家汝名字何答名某甲汝鄔波馱耶字何答云我因事至說鄔波馱耶名鄔波馱耶名某甲

又汝應聽女人身中有如是病謂癩病癰病癬疥疱瘡皮白癩瘦頭上無髮惡瘡下漏諸塊水腫嗽癢喘氣咽喉乾燥闇風癩狂形無血色噎嘔逆諸痔麻癩瘡脚吐血癱座下痢壯熱脅痛骨節煩疼及諸瘡病風黃痰癢摠集三病常熱病鬼病聾盲瘖瘂小癩雙肢節不具汝無如是諸病及餘病不答言無

汝某甲聽如我今於屏處問汝然諸苾芻尼在於大眾中亦當問汝汝於彼處以無畏心若有言有若無言無還應實答汝且住此未喚莫來

次屏教師前行半路向眾而立應作是語苾芻尼僧伽聽彼某甲我於屏處已正教示問

傳二

八

其障法某甲為鄔波馱耶為聽來不合眾咸言若遍淨者應可喚來咸言者善如不言者招越法罪其壇場法式及威儀進止並如大僧已論審觀應作應遙喚來既至眾中令於上座前如上威儀當乞受淨行本法教作是語

苾芻尼僧伽聽我某甲今因事至說鄔波馱耶名我從鄔波馱耶某甲求受近圓我某甲今從苾芻尼僧伽乞受淨行本法我因事至說鄔波馱耶名某甲為鄔波馱耶願苾芻尼僧伽授我淨行本法攝受拔濟我教示哀愍我是能愍者願哀愍故如是三說

次令至羯磨師前雙膝著地坐小褥子低頭

合掌虔誠而住

女人坐法與男不同作小褥子可方一尺厚三十寸纒得支

坐偏踞帖膝低頭合掌西方受戒法皆如是也

其羯磨師應作單白問其障法

苾芻尼僧伽聽此某甲從鄔波馱耶某甲求受近圓此某甲今從苾芻尼僧伽乞受淨行本法某甲為鄔波馱耶若苾芻尼僧伽時至

聽者苾芻尼僧伽應許我於眾中檢問某甲
所有障法某甲為鄔波馱耶白如是
次問障法如上應知當作白二羯磨

苾芻尼僧伽聽此某甲從鄔波馱耶某甲求
受近圓是女人年滿二十五衣鉢具父母夫
主悉皆聽許有無此事如前問知苾芻尼僧伽已與二

傳二

九

年學六法六隨法此於二年已學六法六隨
法某甲自言遍淨無諸障法此某甲今從苾
芻尼僧伽乞受淨行本法某甲為鄔波馱耶
若苾芻尼僧伽時至聽者苾芻尼僧伽應許
苾芻尼僧伽今與某甲受淨行本法某甲為
鄔波馱耶白如是次作羯磨

苾芻尼僧伽聽此某甲從鄔波馱耶某甲求
受近圓是女人年滿二十五衣鉢具父母夫
主悉皆聽許苾芻尼僧伽已與二年學六法
六隨法此於二年已學六法六隨法某甲自
言遍淨無諸障法此某甲今從苾芻尼僧伽
乞受淨行本法某甲為鄔波馱耶苾芻尼僧

伽今與某甲淨行本法某甲為鄔波馱耶若
講具壽聽與某甲受淨行本法某甲為鄔波
馱耶者默然若不許者說苾芻尼僧伽已與
某甲受淨行本法某甲為鄔波馱耶竟

苾芻尼僧伽已聽許由其默然故我今如是
持次當為請作羯磨苾芻及請諸苾芻入壇

場者二部僧伽隨應盡集苾芻極少須滿十
人尼十二人教受近圓者令三遍禮眾禮有
二種如前已說於僧必須致禮尼眾執牀亦
得禮訖向上座前雙膝著地合掌而住教乞
近圓應云二部僧伽聽我某甲今因事至說
鄔波馱耶名我從鄔波馱耶某甲求受近圓

我某甲今從二部僧伽乞受近圓我因事至
說鄔波馱耶名某甲為鄔波馱耶願二部僧
伽授我近圓攝受拔濟我教示哀愍我是能
愍者願哀愍故如是三說
次令至羯磨師所如前威儀師作單白問其
障法應如是說

二部僧伽聽此某甲從鄔波馱耶某甲求受近圓此某甲今從二部僧伽乞受近圓某甲為鄔波馱耶若二部僧伽時至聽者二部僧伽應許我今對二部僧伽問其障法某甲為鄔波馱耶白如是

次問障法如上應知次作白四羯磨應云二

傳二

十

部僧伽聽此某甲從鄔波馱耶某甲求受近圓是女人年滿二十五衣鉢具父母夫主悉皆聽許苾芻尼僧伽已與二年學六法六隨法此某甲已於二年學六法六隨法苾芻尼僧伽已與作淨行本法此女已能承事尼眾稱悅其心清淨奉行於尼眾中無有憊失此

某甲今從二部僧伽乞受近圓某甲為鄔波馱耶

若二部僧伽時至聽者二部僧伽應許二部僧伽今與某甲受近圓某甲為鄔波馱耶白如是
次作羯磨

二部僧伽聽此某甲從鄔波馱耶某甲求受近圓是女人年滿二十五衣鉢具父母夫主悉皆聽許苾芻尼僧伽已與二年學六法六隨法此某甲已於二年學六法六隨法苾芻尼僧伽已與作淨行本法此女已能承事尼眾稱悅其心清淨奉行於尼眾中無有憊失

此某甲今從二部僧伽乞受近圓某甲為鄔波馱耶若二部僧伽時至聽者二部僧伽應許二部僧伽今與某甲受近圓某甲為鄔波馱耶若二部僧伽聽與某甲受近圓某甲為鄔波馱耶者默然若不許者說此是初羯磨如是三說二部僧伽已與某甲受近圓某甲

傳二

十一

為鄔波馱耶竟二部僧伽已聽許由其默然故我今如是持

次應量影并告五時准苾芻法作
次當為說三依法

汝某甲聽此三依法是諸世尊如知應正等覺所知所見為諸苾芻尼受近圓者說是依

法所謂依此善說法律出家近圓成苾芻尼性故何為三

汝某甲聽一糞掃衣是清淨物易可求得苾芻尼依此於善說法律出家近圓成苾芻尼性汝某甲始從今日乃至命存用糞掃衣而自支濟生欣樂不荅言欣樂

若得長利純綃縵條小帳大帳輕紗紵布或諸雜物若更得清淨衣若從眾得若從別人得汝於斯等隨可受之知量受用不荅言受用汝某甲聽二常乞食是清淨食易可求得苾芻尼依此於善說法律出家近圓成苾芻尼性汝某甲始從今日乃至命存以常乞食而自支濟生欣樂不荅言欣樂

若得長利飯粥飲等若僧次請食若別請食若僧常食若常別施食八日十四日十五日食若更得清淨食若從眾得若從別人得汝於斯等隨可受之知量受用不荅言受用汝某甲聽三陳弃藥是清淨物易可求得苾芻

尼依此於善說法律出家近圓成苾芻尼性汝某甲始從今日乃至命存用陳弃藥而自支濟生欣樂不荅言欣樂

若得長利酥油糖蜜根莖葉花菓等藥時及更藥七日盡壽若更得清淨藥若從眾得若別人得汝於斯等隨可受之知量受用不荅

言受用尼無獨在樹下住法是故但有三種依止

次說八墮落法

汝某甲聽有此八法是諸世尊如知應正等覺所知所見為諸苾芻尼受近圓者說墮落法諸苾芻尼於此八中隨一一事若有犯者隨當犯時便非苾芻尼非沙門尼非釋迦女

傳二

十三

隨失苾芻尼性此便墮落斷沒輪迴為他所勝不可重收譬如斬截多羅樹頭不更能生增長高大苾芻尼亦亦云何為八

汝某甲聽是諸世尊如知應正等覺所知所見以無量門毀諸欲法說欲是染欲是潤澤欲是愛著欲是居家欲是羈絆欲是耽樂是

可斷除是可吐盡可厭息滅是冥闇事汝某甲始從今日不應輒以染心視諸男子何況共行不淨行事汝某甲聽如世尊說若復苾芻尼與諸苾芻尼同得學處不捨學處學羸不自說作不淨行兩交會法乃至共傍生於如是事苾芻尼犯者隨當作時便非苾芻尼非沙門尼非釋迦女失苾芻尼性此便墮落斷沒輪迴為他所勝不可重收汝從今日於此欲法不應故犯當生厭離般重防護起怖畏心諦察勤修作不放逸汝於是事能不作不荅言不作

汝某甲聽是諸世尊如知應正等覺所知所

見以無量門毀不與取離不與取稱揚讚歎是勝妙事汝某甲始從今日乃至麻糠他不與物不以賊心而故竊取何況五磨灑若過

五磨灑磨灑是數名有八十具齒元非是錢廣如前注

汝某甲聽如世尊說

若復苾芻尼若在聚落若空閑處他不與物

傳二

十三

以盜心取如是盜時若王若大臣若捉若殺若縛驅擯若訶責言咄女子汝是賊癡無所知作如是盜於如是事苾芻尼犯者隨當作時便非苾芻尼非沙門尼非釋迦女失苾芻尼性此便墮落斷沒輪迴為他所勝不可重收汝從今日於此盜法不得故犯當生厭離般重防護起怖畏心諦察勤修作不放逸汝於是事能不作不荅言不作

汝某甲聽是諸世尊如知應正等覺所知所見以無量門毀於害命於離害命稱揚讚歎是勝妙事汝某甲始從今日乃至蚊蟻不應故心而斷其命何況於人若人胎汝某甲聽

如世尊說若復苾芻尼若人若人胎故自手斷其命或持刀授與或自持刀或求持刀者若勸死讚死語言咄女子何用此罪累不淨惡活為汝今寧死死勝生隨自心念以餘言說勸讚令死彼因死者於如是事苾芻尼犯者隨當作時便非苾芻尼非沙門尼非釋迦

女失苾芻尼性此便墮落斷沒輪迴爲他所勝不可重收汝從今日於此殺法不得故犯當生厭離殷重防護諦察勤修作不放逸汝於是事能不作不荅言不作

汝某甲聽是諸世尊如知應正等覺所知所見以無量門毀於妄語於離妄語稱揚讚歎

是勝妙事汝某甲始從今日及至戲笑不應故心而爲妄語何況實無上人法說言已有汝某甲聽如世尊說若復苾芻尼實無知無遍知自知不得上人法寂靜聖者殊勝證悟智見安樂住而言我知我見彼於異時若問若不問欲自清淨故作如是說我實不知不見言知言見虛誑妄語除增上慢或言我證四諦理或言天龍鬼神來共我語得無常等想得四禪四空六神通八解脫證四聖果於如是事苾芻尼犯者隨當作時便非苾芻尼非沙門尼非釋迦女失苾芻尼性此便墮落斷沒輪迴爲他所勝不可重收汝從今日於

傳二

十四

妄語法不得故犯畜生厭離殷重防護諦察勤修作不放逸汝於是事能不作不荅言不作汝某甲聽如世尊說若復苾芻尼自有染心共染心男子從目已下膝已上作受樂心身相摩觸若極摩觸於如是事苾芻尼犯者隨當作時非苾芻尼乃至諦察勤修作不放逸汝於是事能不作不荅言不作

汝某甲聽如世尊說若復苾芻尼自有染心共染心男子掉舉戲笑共期現相同處往來在可行非處縱身而卧於是八事共相領受於如是事苾芻尼犯者隨當作時非苾芻尼乃至諦察勤修作不放逸汝於是事能不作不荅言不作

汝某甲聽如世尊說若復苾芻尼先知他苾芻尼犯他勝罪而不曾說彼身死後若歸俗若出去方作是語尼衆應知我先知此苾芻尼犯他勝罪於如是事苾芻尼犯者隨當作時非苾芻尼乃至諦察勤修作不放逸汝於

是事能不作不答言不作

汝某甲聽如世尊說若復苾芻尼知彼苾芻
和合僧伽與作捨置羯磨苾芻尼眾亦復與
作不禮敬法彼苾芻於僧伽處現恭敬相希
求拔濟自於界內乞解捨置法彼苾芻尼報
苾芻言聖者勿於眾處現恭敬相希求拔濟

傳二

五

自於界內乞解捨置法我為聖者供給衣鉢
及餘資具悉令無乏當可安心讀誦作意時
諸苾芻尼告此尼曰汝豈不知眾與此人作
捨置羯磨苾芻尼與作不禮敬法彼苾芻起
謙下心自於界內乞解捨置法汝便供給衣
鉢等物令無乏少汝今應捨此隨從事諸苾
芻尼如是諫時捨者善不捨者應可再三懇
勸正諫隨教應語令捨是事捨者善若不捨
者苾芻尼於如是事隨當作時非苾芻尼乃
至諦察勤修作不放逸汝於是事能不作不
答言不作
攝頌曰

尼有八他勝 四同於苾芻 餘觸染男期
覆罪隨僧棄

次應為說八尊敬法

汝某甲聽此八尊敬法是諸世尊如知應正
等覺所知所見為苾芻尼制尊敬法是可修
行不應違越諸苾芻尼乃至命存應勤修學

云何為八

梵云嚩嚩達磨嚩嚩是尊義重義
此比來譯者利隨
其一於理皆得也

汝某甲聽如世尊說一者諸苾芻尼應從苾
芻求受近圓成苾芻尼性此是世尊為苾芻
尼制初敬法是可修行不應違越諸苾芻尼
乃至命存應勤修學二者諸苾芻尼半月半
月應從苾芻求請教授尼人三者無苾芻處
不應安居四者若見苾芻犯過不應詰責五
者不瞋訶苾芻六者老苾芻尼應禮敬年少
苾芻七者應在二部眾中半月行摩那靴八
者應往苾芻處為隨意事此等八法是可修
行不應違越諸苾芻尼乃至命存應勤修學

攝頌曰

近圓從苾芻 半月請教授 依苾芻坐夏

見過不應言 不瞋訶禮少 意喜兩眾中

隨意對苾芻 斯名八敬法

次說沙門尼四種所應作法

汝某甲聽是諸世尊如知應正等覺所知所

傳二

十六

見為苾芻尼受近圓者說沙門尼四種所應

作法云何為四

汝某甲聽始從今日若他罵不應返罵他瞋

不應返瞋他調不應返調他打不應返打有

如是等惱亂起時汝能攝心降伏瞋慢不返

報不荅言不報

汝某甲聽汝先標心有所希望作如是念我

當何時得於世尊善說法律出家近圓成苾

芻尼性汝已出家今受近圓得好如法親教

師及軌範師等和合僧伽秉白四羯磨文無

差舛極善安住如餘苾芻尼眾雖滿百夏所

應學者汝亦修學汝所學者彼亦同然同得

學處同說戒經汝從今日當於是處起敬奉

心不應厭離於親教師應生母想師於汝處

亦生女想乃至命存侍養瞻病共相看問起

慈愍心至老至死又於同梵行所上中下座

常生敬重隨順恭勤而為共住讀誦禪思修

諸善業於蘊處界十二緣生十力等法應求

解了勿捨善軌離諸懈怠未得求得未解求

解未證求證乃至獲得阿羅漢果究竟涅槃

我今為汝於要略事舉其大綱餘未知者當

於二師及同學親友善應諮問又於半月說

戒經時自當聽受准教勤修為說頌曰

汝於最勝教 具足受尸羅 至心當奉持

無障身難得 端正者出家 清淨者圓具

實語者所說 正覺之所知

汝某甲已受近圓竟勿為放逸當謹奉行今

在前而去

十七末

根本說一切有部百一羯磨卷第二 傳二

墜搗其音懇下脚崎奇下丘反要條下土反髀上吐
瓦煨煨音膊腋亦音絢細候上反疊音踴字憊去
反掉徒反窶主上其詰責一上起反那馳也下反差

平江路積沙延聖寺比丘志願情旨伏自行年庚戌五十七歲七月
初二日建生發心施中統鈔伍佰錠助開本寺
大藏經板流通

聖教仰報

佛恩用資三有乞保現世福壽增崇他生二嚴俱備常作比丘形
永為釋子凡在時中吉祥如意者

大德十年歲在丙午二月

日意願

根本說一切有部百一羯磨卷第三

傳三

唐三藏法師義淨奉制譯

畜門徒白二

如世尊說若苾芻尼滿十二夏欲畜門徒應
從苾芻尼僧伽乞畜門徒羯磨應如是乞敷
座席鳴捷雅言白既周諸苾芻尼集極少滿

文後

十二人彼苾芻尼向上座前致敬已蹲居合
掌作如是白

大德尼僧伽聽我某甲滿十二夏欲畜門徒
我某甲今從苾芻尼僧伽乞畜門徒法願苾
芻尼僧伽與我某甲滿十二夏畜門徒法是
能愍者願哀愍故第二第三亦如是說

次一苾芻尼作白羯磨應如是作

大德尼僧伽聽此苾芻尼某甲滿十二夏欲
畜門徒此某甲今從苾芻尼僧伽乞畜門徒
法若苾芻尼僧伽時至聽者苾芻尼僧伽應
許苾芻尼僧伽今與某甲滿十二夏畜門徒
法白如是次作羯磨

大德尼僧伽聽此苾芻尼某甲滿十二夏欲
畜門徒此某甲今從苾芻尼僧伽乞畜門徒
法苾芻尼僧伽今與某甲滿十二夏畜門徒
法若諸具壽聽與某甲滿十二夏畜門徒法
者默然若不許者說苾芻尼僧伽已與某甲
滿十二夏畜門徒法竟苾芻尼僧伽已聽許